

Procedencia: Arquitecto Municipal

Servizo: Unidade de Contratación

Asunto: CONTRATO ANUAL PARA A PRODUCCIÓN E EXECUCIÓN DA CABALGATA DE REIS MAGOS (AVS 05101 19/11). Informe sobre 1 (CRITERIOS/SUBCRITERIOS DEPENDENTES DE UN XUÍZO DE VALOR)

Por esixencia do trámite administrativo emito o presente informe en relación coa documentación achegada polas empresas que participan no procedemento de licitación arriba descrito, á vista da documentación achegada no sobre 1 (criterios /subcriterios dependentes dun xuízo de valor). No presente informe valórase tecnicamente as propostas achegadas polas empresas nas que se explica o xeito en que van ser desenvolvidos os traballos a realizar, os obxectivos que se pretenden conseguir e os medios para acadalos.

Segundo o PPTP , avaliarase o Sobre 1 cun máximo de 25 puntos, consonte o seguinte esquema:

- Temática central e o seu desenvolvemento creativo na execución da idea, que fomente os valores solidarios, medio ambientais e dereitos humanos..... Máximo 15 puntos.

- Animación entre as carrozas e a súa creatividade e diversidade (charangas, funambulistas, faquires, majorettes...etc) Máximo 10 puntos.

As empresas admitidas que participan no procedemento son as seguintes:

1- JARABE COMUNICACIÓN SLU

2-SERVICIOS DEPORTIVOS GALICIA SL

A puntuación acadada polas empresas na valoración do sobre 1 é a seguinte:

1- JARABE COMUNICACIÓN SLU

- Temática central e o seu desenvolvemento creativo na execución da idea, que fomente os valores solidarios, medio ambientais e dereitos humanos.

JARABE COMUNICACIÓN SLU, achega un dossier completo no que desenvolve de forma pormenorizada os seguintes aspectos:

- Propón unha duración da cabalgata de 60 minutos, superior aos 45 minutos mínimos recollidos no prego.

- A temática proposta para desenvolver a Cabalgata é o “Mundo Máxico”, recollendo en cada carroza distintos persoeiros senlleiros do Mundo “Disney”, cargados de valores e perfectamente recoñecidos polos nenos. A documentación achegada na que se se explica polo miúdo a temática da Cabalgata, considérase dende o punto de vista técnico, moi apropiada e con coherencia entre as distintas carrozas que forman o cortexo. Propón 8 carrozas que é o mínimo recollido no prego, coas dimensións correctas. Contempla as tres carrozas dos Reis Magos, unha carroza especificamente preparada para acoller nenos con diversidade funcional con temática solidaria e dando cabida aos dereitos humanos, neste caso é a carroza “Mundo de Cores”, que será a que reparta os 2000 agasallos requiridos no prego. As carrozas presentadas serán construídas ex proceso para a cabalgata de Ferrol, polo que se valora a exclusividade e a orixinalidade do deseño proposto, así como a coherencia formal e temática do desfile, así como os efectos especiais que contemplan para darlle máis vistosidade ao desfile (actuacións musicais en directo, máquinas de neve, de fume...etc).

- Achega a relación de carrozas na orde do desfile e os nove grupos de animación que desfilarán entre elas e que están relacionados coherentemente coa temática de cada carroza. Desglosa o cumprimento

da totalidade das características técnicas recollidas nos ANEXOS I e II do PPT, relativos á seguridade e a organización e necesarias por carroza (valado do percorrido, extintores, iluminación, monitores de acompañamento por carroza, persoal asignado ao contrato con nomes e apelidos, etc). Incluso presenta o protocolo a desenvolver para a recollida e entrega dos nenos participantes na cabalgata aos pais.

- Achega unha axenda a realizar polos SS. MM. no día 5 de xaneiro dende pola mañá ata a noite. Contempla visita ao CHUF e a residencia MI CASA, así como todas as actividades a desenvolver nesta xornada (Chegada ao Arsenal Militar, recepción en Curuxeiras...etc).

- Detalla a decoración do hall do Concello para a recepción dos Reis Magos.

- Contempla 2500Kg de caramelos sen gluten e sen azucre.

Outórgase 12 puntos á proposta neste apartado.

- Animación entre as carrozas e a súa creatividade e diversidade (charangas, funambulistas, faquires, majorettes...etc).

- Propón 9 grupos de animación entre as carrozas e relacionados coa temática da carroza que acompaña (zancudos lanza fuegos, malabaristas, arlequíns, bandas de música con temática relacionada, bailes orientais de Bollywood, bailes de danza do ventre...etc). A animación proposta pola empresa enténdese moi variada e coherente coa temática da Cabalgata proposta. Achega plano de distribución da animación que propón na organización xeral da Cabalgata.

Outórgase 8 puntos á proposta neste apartado.

JARABE COMUNICACIÓN SLU, TOTAL SOBRE 1 20 puntos

2-SERVICIOS DEPORTIVOS GALICIA SL

- Temática central e o seu desenvolvemento creativo na execución da idea, que fomente os valores solidarios, medio ambientais e dereitos humanos.

SERVICIOS DEPORTIVOS GALICIA SL, achega un dossier no que desenvolve de forma pormenorizada os seguintes aspectos:

Achega unha proposta de cabalgata titulada "Fantasía e Maxia", pero non describe a temática nin a proposta artística que articula o desfile, nin a súa duración. Unicamente achega unha relación das 8 carrozas que forman a proposta pero non se atopa moita coherencia na relación que se propón. Contempla unha carroza temática solidaria chamada "Paremos o cambio climático". Integra aos nenos con diversidade funcional entre as distintas carrozas, no canto dunha carroza adaptada unicamente como recolle o Prego. Na proposta achegada contempla un aforo máximo 10 nenos. As carrozas dos Reis Magos propostas, dado o seu deseño, fan imposible que poidan levar nenos. Propón que cada carroza conte cunha máquina de fume de confeti. (Parece incoherente á vista das carrozas dos Reis Magos propostas).

Non recolle a orde e composición da Cabalgata, pero si aclara o acompañamento das distintas carrozas no apartado de animación entre as carrozas.

- Achega unha axenda a realizar polos SS. MM. no día 5 de xaneiro dende pola mañá ata a noite. Contempla visita ao CHUF, ao Centro de Atención a Minusválidos e a residencia MI CASA, así como todas as actividades a desenvolver nesta xornada (Chegada a Curuxeiras...etc).

- Contempla e describe a organización dos nenos que formarán parte da Cabalgata, de forma moi sucinta.

- A proposta non contempla a entrega de 2500 Kg de caramelos, nin a entrega de agasallos como recolle o prego.

- Animación entre as carrozas e a súa creatividade e diversidade (charangas, funambulistas, faquires, majorettes...etc).

Achega a relación de animación con que conta a proposta, así como a que carroza acompañan. Propón 9 grupos de animación entre as distintas carrozas, con certa relación entre a temática da carroza que acompañan e o propio grupo de animación.

A Proposta achegada non recolle a totalidade dos mínimos esixidos polo PPT, polo que se propón a súa exclusión do procedemento de licitación.

O que se informa aos efectos oportunos

Ferrol, na data da sinatura dixital.

O ARQUITECTO MUNICIPAL
FELIPE COTOVAD MARTÍNEZ